

Imparaus gioghendi: Fainas po imparai su sardu cun is pipius e is famillias

S'amministratzioni comunali de Bàini impari a s'Ufitziu lingua sarda de is Comunas de Bàini e Pau e a sa biblioteca at aprontau po totus is pipius chi tenint de cincu fintzas a ùndixi annus (dai 5 agli 11 anni) unu àteru atòbiu po **giòbia 30 de su mesi de austu** (30 agosto 2012) po fàiri unus cantu cositeddas in lingua sarda e si ispàssiai is piciocheddus. Is fainas ant a essiri de is cincu a is seti de meri (17 – 19) in sa biblioteca comunali de Bàini impari a su bibliotecàriu Pepi Manias e a s'operadora de is Ufitzius de lingua sarda de is Comunas de Bàini e Pau chi est Tatiana Frau. A ddus agiudai Fabio, Alessandra, Barbara e Claudio, is giòvunus de su servìtziu tzivili de s'area culturali de su Comunu de Bàini.

Sighendi s'idea inghitzada unu annu fait, in custu atòbiu s'at a circai de fàiri connosciri sa lingua sarda a pipius e piciocheddus fadendi giogus a scuadras e iterativus, ma fintzas bidenti cartonis animaus e castiendi filmixeddus cun su computer. Po una pariga de oras mannus e pitius s'ant a ispàssiai meda totus impari e cun sa lingua sarda.

Po partetzipai si domandat sceti a is mammas o a is babbus de acumpangiai is fillus in sa biblioteca de Bàini e apustis, facioras de is seti, de torrai a ndi ddus su liai po ddus su torrai a domu insoru. Pipius benei in medas....